

# LAWATAN RASMI AIR CHIEF MARSHAL ABU ESRAR KE KEMENTERIAN PERTAHANAN

[airforce.mil.my/berita/acara-rasmi/3238-lawatan-rasmi-air-chief-marshal-abu-esrar-ke-kementerian-pertahanan](http://airforce.mil.my/berita/acara-rasmi/3238-lawatan-rasmi-air-chief-marshal-abu-esrar-ke-kementerian-pertahanan)

KUALA LUMPUR, 29 Mac 18 – Air Chief Marshal Abu Esrar, Chief of Air Staff Bangladesh Air Force (BAF) telah mengadakan lawatan kerja rasmi beliau ke Malaysia bermula pada 28 Mac hingga 1 Apr 18.

Dalam rangka lawatan di Kementerian Pertahanan hari ini, beliau telah membuat kunjungan hormat ke atas Menteri Pertahanan, YB Dato' Sri Hishammuddin Tun Hussein; Panglima Angkatan Tentera, YM Jen Tan Sri Raja Mohamed Affandi bin Raja Mohamed Noor serta Panglima Tentera Udara, YBhg Jen Tan Sri Dato' Sri Hj Affendi bin Buang TUDM.

Ketibaan beliau di Wisma Pertahanan telah disambut dengan penuh istiadat ketenteraan menerusi perbarisan Kawalan Kehormatan Utama dari Rejimen TUDM. Kawalan Kehormatan Utama tersebut turut diiringi oleh Pasukan Pancaragam Pusat TUDM.

Lawatan ini adalah bertujuan untuk mengeratkan lagi hubungan diplomasi pertahanan yang telah wujud sekian lama khususnya antara TUDM dan BAF.



